



求是堂詩集卷十

寄藤集

涇縣

胡承琪

墨莊

張烈婦詩

已巳四月寓地安門外一室頗幽靜客有言及此地爲前臺灣道永福所居宅林爽文之變永以事被逮其妻張氏與訣泣解其夫所佩刀並帶一條曰君此去得生幸甚脫不幸請以此殉遂隨至京永論絞西市獄上張遂以是日縊于所居即此室也其家以其夫有罪不敢爲請旌予聞而哀之爲詩以弔焉

一室蕭然號蝸寄客來爲話當年事道有捐軀殉節人三
尺絲條畢此地此地蛛絲鼠跡蒙階除春雨草心紅淒涼
侍女簾前月瀟灑夫人林下風夫人少小津門住深閨不
識門前路翼宿光前姓望高浮雲嫁後韶華度夫婿東方
最上頭天涯隨宦荔支州衙齋噩夢驚宵柝海國妖氛動
暮愁一朝蟻集紛如沸黑雲莽壓孤城閉五夜持籌燭助
燒三軍投甲綿親製事定方論釀亂初封疆激變有餘辜
踉蹌鐵鎖鳴緹騎慘淡囚衣上檻車車前訣別肝腸割地
老天荒誰復惜乞取臨淮靴裏刀封將賈婦頭邊帛二物
聊當破鏡持此行生死總相隨血痕斷續三千里殉具摩

抄十二時妾返深閨郎在獄妾身已死空張目奩具都教
瓜葛分辨香剝向蓮華祝聞道爰書奏當成可憐西市曉
霜清從夫已決生前志無子徒憐死累輕從容獨向牀垂
拜素錦文梁手親掛宛頸仍爲共命禽連環猶是同心帶
此事傷心十載餘曾無棹楔表門間斜扉粉字題何在壞
徑苔痕剥欲無我時聞之悚然起肅肅靈風灑窗紙金谷
何妨以罪誅玉兒不獨緣情死况是堂堂結髮人貞心勁
節足千春濡將彤管新題句慰爾黃昏舊哭魂

寄家翥雲孝廉漢口

君在當年鸚鵡洲探懷敞刺欲誰投江天影裏孤飛鶴闌

聞聲中獨客舟憶我游踪曾畫壁子以壬戌丁卯兩遊其地干人心事

且登樓如何漢水雙魚白不見封書慰別愁

青春作伴便辭家風雪同乘薄笨車長路醉醒終日對春今

同入都寒甚予不勝杯杓而君輒一日數醉殘年南北各天涯霜清江上何人

笛木落燕山幾夕笳君是過歸吾未卜憑將離恨訴梅花

次韻家玉鑊孝廉由金陵之吳門道中見寄

滄波一片平如席想得君身滿秋色錦囊况貯青山多收

拾江南與江北此時意氣隘九州解衣濯足青溪頭興酣

仍作吳淞游參差木落凭高樓太湖三萬六千頃好與鳧

鴈同拍浮奇書倘可探林屋名士或者逢糟邱書來莫問

金臺客落拓不知元尚白清愁一段勝洗馬善病終年學

莊舄狗屠燕市今無多側身誰與同悲歌未能邱壑決歸

計那堪歲月隨驚波便欲從君漫游去菰蒲蕭蕭夢中路

有田二頃桑百株肯使紅塵一生誤

己巳除夕

古來無歷日草木觀榮衰人事不至相迫促渾沌那識徂

年悲大撓無端作甲子從此人知老病死漸漸推排成古

今區區年月分頭尾送窮窮不去守歲歲不留誰為造此

屠蘇酒使我未飲心先愁卅年以後四除夕瀕洞舟車異

南北予今年三十有四丙寅除夕在浙江判將歲界畫鴻

溝催得年光迅駒隙年來萬事堪破除難除只有霜一梳
灰堆鏡聽總知妄頭顱四十行可想耳邊車馬聲隆隆天
以冷淡便吾慵竟將枯坐棄歲月此意未免辜天公東鄰
西鄰喧爆竹紙牕青熒燈一粟兀兀燈前檢書讀

除夕前一日蘭坡編修招飲歸憶馬臺卿

筆勳 孝廉

座中語有感賦此寄蘭坡

終年困塵土不滿囊底粟尋常一飯未肯輕只與君家酒
杯熟街西相隔無百屨更欲從君借書讀飲酒苦太少讀
書復不多出門自覺寡徒侶閉戶未免成蹉跎平生歲月
飛鳥疾歡場一晌回頭失重來便是隔年人不用平原期

十日昨日已故今日新眼前人海何紛紛饒渠作計最悠
久百年之後無一存座中有客忽語此此語非創亦非因
請客勿復道令我傷懷抱君不見羊公最愛峴山巔身後
魂魄期流連當時湛輩懼沒沒至今亦與名俱傳吾儕有
文貴相定姓氏可以書綴聯百年寂寞賴此耳與君相期
非眼前讀書須強記飲少亦須醉少年已去老未來只此
其間可無意醉歸街鼓欲二更薰爐炙視融輕冰詩成一
笑天宇濶荒雞喔喔參旗橫

贈朱虹橋

鐘大尹

君似昂藏一野鶴孤飛不逐羣雞啄赴官人盡兼程馳君

尚淹留童子師此意安恬即今少他日長官知定好宦情
自淡詩興濃五嶽一一蟠心胸金山焦山繫烟艇大孤小
孤升絕頂游蹤屢踏天邊雲獨抱孤琴送鴻影自言於世
無所求石田茅屋思歸休人生何者爲清福但享一年願
已足君言一發旁人嗤未進求退毋乃癡拂衣淡蕩愛同
調君懷除我誰能知眼底神仙足官府塵中滋味如腐鼠
紛紅駭綠意未厭止坐一俗無由斫我亦年來行萬里獲
落隨身一襪被可憐身計尚浮雲不覺韶華付流水故鄉
相去無幾何各有青山在夢裏盧若何妨物外游向禽終
棄塵中屣大明湖頭望吾子布襪青鞋何日始

君時銓山
東縣令

來朝

多病俸錢供藥物長貧囊篋剩詩篇萬言不值一杯水六
印何如二頃田難遣秋霜銷鏡裏且呼明月到樽前來朝
人事誰能料得失紛紛劇可憐

憶舊

一水盈盈盪畫橈綠陰低覆赤欄橋垂楊記取烏藏處曳
雪牽雲第幾條

淺色衣裙鬧掃粧牙牌斜掛繡羅囊問知今日孟蘭會歸
自清涼舊道場

雙渦微笑目初成添得紅潮滿頰生昨日畫船樓下過水

紋簾影欠分明

綠瓜朱李鬪浮沈滿座關心獨淺斟有意欲儂知味苦剥
將蓮子不抽心

抱得琵琶拜導師月明絃索定場時夜深烟水秦淮濶偷
把憑欄玉笛吹

玲瓏牕格琢梅花明月穿空印碧紗忽訝羅浮來夢裏不
知真在玉人家

綠葉青絲一色堆鬢邊不道有花開玉釵偶掛聞薌澤消
得佳名喚夜來

病馬行

星熒熒雞喔喔馬後馬前列雙燭石滑傷馬蹄泥深沒馬
腹何況馬上人豐貂面如鵠苦言告客君馬疲殺君馬者
誰爲之一尺之楯君所持不見欵段猶堪騎客言四座應
以頷胸中冷暖君自知三更酒闌客初罷門外籠燈催上
馬

盆中水仙

馬騰開遍上元宵稚蝶癡蜂信尚遙莫惜空齋春事晚一
叢猶及占花朝

隨分栽來老瓦盆清泉微注尚嫌渾憐渠耐過三冬冷只
有朝陽是受恩

平生水石話因緣任使濃薰惱破禪我是金門中隱客不
成學佛愛游仙

閑居

閑居春過半曾未啟軒櫺芳草天涯綠家山夢裏青敝裘
經累月疎髻已微星莫問塵中事浮沉寄一萍

四月九日過蘭坡藤花吟舫

過眼春光去如瞥滾砌楊花攪飛雪丁香萬結空復空海
棠落盡燕支紅枝頭惆悵成陰綠滿架朱藤覆詩屋藤花
欲開猶未開乘閒客爲尋詩來主人歸遲客能待小院蜂
聲鬧如海游絲弄影日正中無花有葉猶玲瓏况復石旁

香細碎紅紫斑斑有餘態客行非忙恰未閒一春未叩花
前關世間得喪何足戚浪擲春光最堪惜春歸幾日猶未
遲有意補詠花前詩寄語花開壓簷朶更欲從君醉白墮

首夏門外即目

牆頭無青山簷瓦亦寡色庭中無芳草舉步嫌偏仄門前
瓦礫場地有百弓隙清陰交四鄰愛此芳樹碧暮色蒼然
來高枝森動魄冥濛棲閒雲蕭疏帶歸翼望望疑村居稍
與市廛隔城鼓嚴初更應知絕來轍高詠驚兒童比鄰不
相識明月如有情穿林欲窺客

西郊道中有懷家蓮浦孝廉

一雨落紅盡澹然生綠陰停車指曠野秀色開平林閑雲
有遲意野鳥無高心沿堤拾芳草始覺溪流深橋南四五
家籬落頗蕭森微嫌道傍住時聞車馬音水鄉此時節新
秧綠如鍼東菑餉梨黍西舍貽桑甚窗間一壺酒興至堪
孤斟一從棄鋤耒勞歌渺難任夢隨零雨斷念逐飛花沈
故人守鄉里獨抱邱中琴何時託魚腹惠我洛生吟穆然
如清風可以開吾衿

烏鵲謠

烏啞啞鵲楂楂城南多鵲城北鴉城南足冠蓋城北饒風
沙鵲飽飛欲高烏饑聲更譁烏能告憂鵲告喜饑飽由來
只坐此君不見孤飛雲中鶴片雪翻從塵外落碧澗青苔
恣飲啄尚不爲鳥况爲鵲

晨起同人至陶然亭

四月不知夏氣候如涼秋初陽出林罅萬樹光欲浮人聲
漸稀鳥聲雜城南百頃皆平疇野花多黃紫復間雲氣乍
白紅初收陂陀百級出孤磴層軒一面開雙眸此間埃壙
不到處青天欲落簷瓦頭蘆葦已解作風響麥苗未免懷
雨憂車帷久閉忽軒豁放眼便欲窮齊州高下幾點皆蟻
垤古今一例成貉邱盛筵良會渺何有俯仰陳跡隨東流
君不見庭旁神屋著靈異辦香有客邀探籌仰天落落一

長嘯自斷此生何所求

西便門訪翟述庵

發宗 孝廉

數日不出門幽憂若籠鳥十客久不遇信知閒人少南風
獵獵吹白沙眯眼轉愛車帷遮城西僻處訪君去驅車入
谷如袞斜風聲更雜水聲響環城五里河流賒居人稍稀
水泉好爲我鄉味烹濃茶君從故鄉來茶樹方萌芽即今
筍蕨亦已老此間芍藥猶未花越禽代馬各殊性得已豈
肯輕辭家去年送君歸今復與君遇君顏成削困行路只
我鬢鬢亦非故相逢握手休相詢經年飽食五斗塵借君
茗椀一澆洗始覺肝膽增清新

獨游崇效寺看牡丹

坡陀高下帶禪宮綠樹如山一徑通地僻更無蜂使到春
寒留得鼠姑叢磬聲孤繞篆烟碧花氣徧蒸晨露紅煮茗
僧雛休數客者般閑事有誰同

藤花歌爲朱蘭坡編修賦

豐宜門外半茅舍人盡種花如種稼好花只向擔頭看不
許風前自開謝初時入市直尚高幾日眞成土同價何似
君家百尺藤自在繁英占高架紅雲烘得靈禽迷黝幹蟠
疑老虬化長令白日駐簾前不放青天露簷罅紛紛儘讓
羣葩先獨引春光入炎夏莫嫌較比東鄰遲花若早開人

未暇羣葩落盡空樹身餘香轉乞藤梢借綵索輕搖舞未
終繡衣亂搭粧初卸客與游蜂一樣癡永日留連到清夜
槐風涼傍鬢邊吹竹露浩從身上瀉百杯既醉客不辭萬
點欲飛君莫訝君不見壘石曲處枝交亞尚有清陰覆層
榭

晨起過董小榭同年久話歸賦一篇兼柬徐少鶴

頌

並索和章

蠟言梔貌何紛紛逢君只覺無不真析桂炊珠太碌碌見
君只覺無由俗天門握手三百人就中意氣唯君親相親
豈獨冠三百十萬人家無此客秋風昔日聯鳴鑣車箱聽

我吟聲高解鞍欲卧君苦倦只我巡檐尚千遍鈴聲乍歇
聞櫓聲篷窗兩岸秋花明永陽江上別君處小立匆匆賦
長句三年踪跡渺不聞我行勞倦尤過君晴川閣上臨風
坐我後君先適相左繞廊扶壁尋君詩見君題名君不知
中間相思那堪說寸腸幾許容百結竭來人海無枝栖二
鳥尙復分東西杜門偶爲覓君出往往參差不相值冷官
何事未得閒吾儕聚首天所慳比鄰終歲不思見君家蒼
頭我亦羨聞呼君實知其誠識我名紙歡相迎朝饑正甚
君已飯說餅殷勤向人勸六合以內無不談所不及者米
與鹽談猶未終僕催走門外雇車待難久尋常愛說燕市

屠住久益覺心情孤對君懷抱始一攄下筆拉雜氣頗麤
我詩不工聊自娛差異世上論癡符君詩能真復不俗曷
不爲我鼓應桴因君更問南頭徐作詩曩嬾今何如

瓶中芍藥

嬾尋鶯燕話春寒忽地相思到藥欄拋却故園紅滿眼轉
來塵市買花看

含顰含笑態依稀故轉銀缸背翠幃不看花身看花影愛
他影瘦勝花肥

伴人終日檢芸籤檢到將離恨轉添作計思留香久住風
門不遣過疎簾

昨以詩柬小檀并送二石求篆私印既蒙和詩又以
石質稍劣別取佳石鐫章見贈且云踐乙丑九月
舟中之諾作此謝之

愛君作詩如作篆古色不受俗目玩更復作篆如作詩清
氣早沁人肝脾贈君以詩得君和譽我猶嫌語多過乞君
之篆慮君却詎知君尚憶前諾新詩古篆來紛披發篋伸
紙光陸離以蚓投魚我願足何意將磚復引玉昨君爲我
鼓隴胡襲石學得梧臺愚質粗不足供一擲所恐我詩亦
如石君譽我詩石則否云有良材蓄之久五年一語終不
忘記月在戊歲在丑姓名不屑掛人頰却喜今朝出君手

出君手知君心論交似此一拳石錫我已勝千餅金摩君
篆百回讀君詩一紙恍惚如君出其裏報君無物惟詩耳
燈花落處成一篇好把紅泥印箋尾

雨後納涼

睡醒聞啼鴉青林片時黑風雨交危檐雷霆走虛壁十丈
飛黃埃藉茲一洗滌如將大還丹活我古苔色屋角融泥
香槐花落如積半樓明夕陽濃陰未踰刻爽氣生西山欲
暑不可得移榻當前楹齋鐘晚來寂恍惚芭蕉聲涼棚墮
疎滴

問小檀疾

君學維摩方隱几我尋瑪勒與同龕頭風苦乏陳琳檄鬢
雪難勝王儉簪千里浮雲飄薊北五更涼雨夢江南相看
詩筆俱無恙來往風流是所耽

移寓僧寺述懷

真成家具少于車一片書羶雨擔書客久衣裳都綻裂交
稀門巷半生疎天將小暑涼如許人近中年嬾有餘百未
安排先放枕便思尋夢到華胥

慣愛攤書傍佛檠城南精舍畧知名鐘魚解喚年年夢梁
燕能窺處處情聊以篇題銷永晝肯將舖餽誤平生
藏副終何日曾與匡廬有舊盟

東少鶴

紛紛大雅詫扶輪終古文章貴性真我輩東方皆傲吏君

家南閣舊功臣

昨與言說文繫傳中數事及之

比鄰友好偏工病

謂小

插架書多不算貧底事玉臺風調在嬾拋心力作詩人

餽小檀琴筍

君家問政山我家琴溪水鄉夢撩人各千里絕憶驚雷笋

萌美小桃開後燕子來春盤磊落青瓊堆別來長盡捎雲

竹坐思煮簞空徘徊下憐作脯遙相餉沁齒清森有餘釀

令人長想荷鋤歸落苒疎雨琴溪上抱疴君定憶山居啜

粥聊堪切笋菹且記話鄉井藥查風味似桐魚

乙丑舟中

言及吾鄉琴魚一名藥查魚與君鄉桐魚絕相似

求是堂詩集卷十一

諭領集

涇縣 胡承珙 墨莊

良鄉道中雨晴

六月事行役所望惟一雨平生畏熱心默禱天已許畿西
第一程出郭日亭午綠樹交濃陰清風徹蒸暑雷聲傍西
出油雲罨然聚十里穿前林林禽欲驚舞雨過雲亦收青
天忽堪覩涼颼砭人肌瀟灑到徒侶籃輿坐兀兀餘滴尚
三五恍惚夢醒時疎篷聽江潏

道旁柳

道旁柳長條還短條儘擡青眼送行客不知萬里如何遙

折柳頻年贈人久此日青青忽在手若將飛絮比飛花拂
席沾泥事皆偶春明門上烏夜啼擇盡卑枝不肯棲憐渠
腕地低垂意只辦長條絆馬蹏行人歸來柳能說去時黃
塵來日雪

雨後新城早發

風雨三更捲怒濤晨途泥潦濺征袍細泉近淀流都急短
樹連雲望亦高此去漫誇收駿骨幾人猶困試牛刀

庶常改外
故及之新涼到骨

君恩似瘴嶺千重敢憚勞

雄縣道中

水淺沙平入望遙雨餘新漲訝通潮樵風一席歸何處燕
尾溪流雁齒橋

黃榆綠柳夾澄川猶似江南四月天唼喋沙頭憐漫畫不
知世有信天緣

夜過趙北口

昔時設險處偷度不可得今茲美風景夜過意殊惜月黑
星亦無但覺水氣白高下馬蹄聲危欲墮橋石籃輿殘夢
搖惺忪烟波訝與江南同天雞叫夢海雲暖曉日已吐珊
瑚紅

將至河間大雷雨

朝看海雲紅暮看海雲黑黑雲一層白一層雨脚千條插
西北觸石膚寸纔須臾雲耶雨耶皆模糊征人在途僕夫
急如吼雷聲欲追及雲光白處雨輒隨策馬欲背雲頭馳
回看雲已塞寥廓作勢似欲吞瀛莫入城卅里疾不停飛
雨著衣龍氣腥

早發河間

何處昨宵雨早涼迎客過天長遲度雁沙淨穩眠駝老柳
餘腔在高蘆出節多夢醒思卯飲一酌已成醅

阜城行館久憩

匡床及簾輿客夢各分半借茲黑甜游默令郵籤換百計

趁一涼兀兀幾昏旦赫然畏亭午驕陽熾爐炭千里無寸
陰所恐金石爛一室欲留憩童奴盡驅散鳥聲寂前庭蛛
網落虛幔神安夢亦佳恍惚游汗漫得非乘風輪已到羅
浮院綠樹陰東偏始聞僕夫喚行行至廣川投宿尚未晏

德州東孫觀察淵如星衍前輩

曾見洪厓立指麾謂稚存太史更聞孫博屈刀爲大名遠絕今

誰輩小學研深久欲師以拙著小爾雅疏證就質且喜鄭鄉聯舊誼君祖

籍鳳肯令鄴如乞新知草書不暇匆匆甚莫遣傳觀帳下

兒

平原至高唐州

燕齊千里開兩眸平原盡處連岡邱行人上馬歷樹罅遙
看出沒如乘舟此間得雨定應早但見禾黍光油油輿夫
乞漿捧盞在田父見客停鋤耰願風不狂日不烈嗟我與
若同所求征途畏暍禾長槁人生各自爲私謀若將食力
比素飽只我尚覺顏駢益此行六州半萬里能不一日兼
兩郵狂風吹沙撲人面日云暮矣思少休田父爲我指一
塔塔下已是高唐州

入山東境後沿途因禱雨禁止屠宰予適以腹疾蔬

食近一旬矣戲東史大荔園

譜

同年

大夫試問即墨阿誰工撫字誰催科屯膏竭澤有由致天

意豈必仇麥禾神明不遇東夫子祈禱枉用驅巫魔屠門
督責祇細故食肉詎便干天和犧牲圭璧有常法不見漑
血刑白鶯我行十日苦腹疾齏腸夜吼如鳴鼉啜粥正爾
厭羶膩所恐君腹無由皤昨宵今日幾雷電微雨屢挾清
風過隨車有頌固未敢催詩或者傾天河請君蘸筆和我
作墨雨一灑成滂沱不煩更守太常戒爲君翠釜烹紫駝

東阿山行二首

十日不見山修眉想天際驅馬臨河干橫空見蒼翠行行
入深谷一徑枉蛇細轉復不見山徒爲兩厓蔽此中一與
一隘處不容騎時清無設險行李亦非易知費幾輪蹄巧

歷不能記安得巨刃揚剗除就平地一唱吾山平千秋有
餘思

駿馬思騰坡迫東不得騁兩厓殊童童株樹渺無影惟餘
欲崩石作勢壓人頂尤工貯白日釀作火烈猛客行魚游
釜人家蛙在井喝極思少休得漿敢望茗却愧室中人笑
客汗流頸豈伊殊炎涼祇由判動靜三歎逐前旌即事可
深省

曉登兗州城樓

南來經數郡此地足登臨雨後清川合門邊綠樹深高樓
先曉色曠野欲秋陰杜老題詩後浮雲自古今

鄒縣道中

蒼莽層坡望未窮眩人白日眼朦朧高枝鳴鵲占風信芳
草羣羊憶雨工祛暑有方憑食飽酬

恩無計祝年豐君看蔽野青青色禾黍高低百里中

滕陽行館作

幾處郵籤遞曉鐘行厨飯罷意先慵微風樹亦生歡喜長
日山猶帶睡容官道儘看新鷺堠客懷無改舊龍鍾連朝
底物相思切活火新烹苦茗濃

銅山道中

百里蒼山道槎枒亂石根風搏羊角勁塵蹴馬蹄昏古冶

銷烟火殘碑蝕蘚痕河流明滅處遙望識彭門

柳泉宿竹映山房次張葍齋宗伯壁間韻

疾風吹雨闔還開暫浣征衫五斗埃客倦但思尋簟席馬
飢都欲齧莓苔三間茅屋蒼山麓終古河聲濁浪隈七十
年中賓主盡打門看竹更誰來

宗伯詩作于乾隆辛酉因與主人有舊故屢憩其廬

云

徐州渡河

萬瓦真成釜底居登艫平眺盡淮徐空濛烟雨孤城裏洶
湧河流九曲餘側岸帆檣隨雁鶩滿堤人氣雜龍魚一杯
不爲祈風便祝爾安瀾

睿念紓

桃山驛遇雨沾濕晚宿褚莊答史大

暮宿依河干曉行別河澚卅里殘夢醒猶聞河流怒日午
何人起伏龍欲捲河水翻雙洪疾風追客頃刻及飛雨四
面交相攻蒼黃欲避何暇擇暫借牛宮傍豚柵一隊淋漓
如溼雞野老闔門尚闕客客行投宿聞嚴更對竈燎衣縱
復橫牕前羸馬齧枯薦逆作蕭蕭腸斷聲終宵轉側歌獨
漉水深泥濁埋馬足故人寄語行弗忙明日相期宿州宿

雨後山行

一夕前山雨溪流盡有聲嫩鴉翻樹動老蛤吠人行別塢

烟猶濕高原氣更清征途殊未已歸計負催耕

四鼓發宿州

明月戀枕函照客作清夢客行乘早涼
衰衷尚相送露華飛帽輕山影壓衣重
遙林生虛籟積水明空洞宿鳥驚欲飛
村老偶然闔月黑天未明迷途不須恐
煌煌東南隅曉星大如甕

濠梁驛同史大作

淮山淡淡水舒舒又向鍾離駐傳車識路敢云吾似馬臨流
安見子非魚闌風伏雨愁長道清簟疏簾憶舊廬莫爲疲勞思爛睡且看明月夜牕虛

臨淮月夜涼甚不寐

月影橫南牕水光直北戶盪成空明界不復見簷宇孤榻
生夜涼清夢落何許烏鵲疑曙光驚飛兩相語老魚亦不眠
唵喁聲可數平生愛水月佳處輒魂與即此一夕快足解
十日暑要當買蓑笠江湖裏烟雨安能馬蹏間終歲飽塵土

紅心驛

憶昨濠梁漱齒眠親人魚鳥共悠然題詩愛說紅心驛逃暑
思參白足禪咽咽殘蟬風滿樹亭亭孤鷺水平田老青幼
綠淮南景何處秧歌不可憐

廬州道中憶家

莖花如貧女淺淡無濃妝新苗如穉子慘綠初成行清風
何處來入袖生微涼離離散苗影細細傳花香綠樹忽搖
動白雲時低昂遙想紫芝嶺已異黃茆岡山川盡淮甸風
景開江鄉江鄉最幽處吾家天一方東菑聚臺笠西舍攜
壺漿夢去四鄰集書來三徑荒歸思正悽斷引領川途長
村舍午憩
隴頭紅日欲乾泥碧黍黃梁長未齊茆屋晝長人語靜林
陰漠漠午雞啼

田婦

綺袂青裙似越谿如霜白足稱扶犁南飛孔雀千秋怨腸
斷廬江小吏妻

梅心驛

綠樹陰濃喚鶉鳩輕雲一抹帶山浮風蒲獵獵荷衣亂十
里陂塘淡似秋

舒城行館坐雨

青山都在屋頭橫白日猶懸嶺上明雨向鶉鳩啼處密風
從楊柳過來輕一涼已足千金值百里何妨兩日程檢點
平生雙蠟屐來朝犖确試初晴

次日山行即景東史六

虛檐一夜雨沉沉古木千章曉尚陰雲截巖腰平作案泉
鳴谷口細于琴未愁瘦馬衝泥滑且聽涼蟬出葉吟珍重
溪山最佳處故人能否共幽尋

桐城道中值雨

淺碧深青幾疊山馬蹄聲裡費躋攀雲峯乍障東南壁雨
勢先侵大小關北破關土名大關又有小關在其南溽暑全消林囂歷鄉音
漸熟鳥綿蠻何人試潑龍眠墨著我烟巒杳靄間

天柱山歌

千山萬壑皆如龍頭尾天矯牙鬚雄林岫石棧互鉤貫其
來乃自西南天柱之高峯陡然拔地七千丈但有劣削無

回容下窮元泉洞幽穴上礙白日迴蒼穹何煩巨靈劈太
華詎畏怒觸來共工擎天有力此終古南巡往事思元封
盛唐樅陽屯萬騎鑿輿警蹕如岱嵩興酣直下射江水一
矢截潮蛟血紅古來此地號南岳不數米廩堆祝融茂陵
千載閱秋草金泥玉檢無遺蹤平生五岳有奇癖竭來指
點開心胸但見四無依傍亭亭在空白雲繚之一西一東
頗聞沈初明通天有表無由通昨晤桐城令沈君云曾
任潛山欲登不可得我
欲乘元氣倏忽陵長風摩頂撫投子揮手謝皖公一聲咳
唾落天外坐看江山萬古青濛濛

潛山縣

一片溪山色真成玉照鄉

縣本懷寧縣之玉照鄉元至治間析置

陂塘瓜蔓

水籬落豆花香露草含秋氣風枝帶早涼前河

潛水逕縣北今名前

河遙望好城郭靄蒼蒼

山行望雲氣二首

一山奇橫一山直片雲通明片雲黑雲出于山皆學山但有窈窕無癡頑看雲轉恐山欲惱盡被雲奇奪山巧世間萬事皆浮雲山真雲幻誰能分幾日山行朝復暮雲穴雲根盡知數不愛看雲出岫時思量認取雲歸處

層山如紙疊百幅青雲山巔白雲腹誰能擲筆描虛空山青雲白難爲工山前一片平如掌泱泱稍聞水泉響清泉

百折不出山護田一帶長彎環我家亦在山中住最愛水窮雲起處天公有意許看山行盡淮南十程路夢魂時共水雲飛巖紅澗碧紛無數昨宵夢醒猶清酣錯疑江北爲江南

黃梅望道場山

此行佳興是山游况復山前碧玉流莫問孰將梅子未可能趁及荔枝不觀心也作無塵鏡入世仍如不繫舟欲借松風涼透骨明朝相送渡江州

孔隴驛早發

雞棲未醒憎客忙殘燈耿壁夜未央馬窺客意獨奮迅寅

前子後貪微涼不知蔽野秔稻熟但覺滿身風露香斷續
時聞馱鈴語高下只視燈燭光蟲聲未絕百草底鳥夢已
轉千松岡殘月五更忽在水曉霞一抹先明塘露華欲晞
惜夜短天影漸濶知江長將從白蓮結宗社且向黃梅尋
道場吾儕大事最易了晝眠一榻松風旁

白湖

破額山前幾曲谿東風吹動碧玻璃只疑是物明禪性大
芋高荷盡向西

渡尋陽江和史大

好風相送渡江關醜酒臨風片刻間與我同心如白水期

君洗足入青山

約以歸時同遊廬山

兒時歲月那能憶

君云四歲時隨宦北歸會

一渡楊子江今三十一

年矣世上功名孰肯閒五畝一廛須早計莫令

神物恠人頑

江中望廬山

廬山一別今五年胸中如記故人面尋常對客話奇勝談
者忘疲聽忘倦塵中擾擾何事無芝田瑤草愁荒蕪偶然
清夢落山頂吟魂一夕飛江湖南來六月日如火一朵涼
雲馬前墮不教風雨迴俗駕廬山倘肯故人我片帆婀娜
陵江開江流滔滔終不回世間萬事似江水可憐惟有青
崔嵬江上居然見顏色山鳥山花盡相識取將倒影入杯

底不許蛟龍更爭得年來苦被市人輕笑我長飢太瘦生
但使青山成莫逆人生何必要時名

東星子令鄭夢白同年

我昔曾爲廬山客醉筆題詩透山石君久山中作主人定
應鑱盡蒼蘚壁主人詩好客不如客今復過山之隅見山
不見主人面欲寫停雲寄團扇記得主人猶少年客老亦
未成華顛名山可卧終有約世網欲脫仍無緣文書如山
人似海吾儕一入迷幾載剩將詩筆置懷中長共青山色
不改畢竟山靈也愛詩留君故遣官遷遲軒車莫問道旁
客終日妬君君不知舊遊如夢尚思續主人須防客不速

倘能爲我留黃犢便欲騎之訪白鹿

清泉亭

鳥飛不在山魚戲不在水細翮與纖鱗都在清輝裏豈惟
能娛人物亦輾然喜一亭嵌空明影落鏡川底濃綠下層
巖祇恐壓亭圯懸厓字垂雲古井泉冰去聲齒亭前可維舟
何人此暫艤不如溪上漁終年弄清泚吾家清弋江佳處
亦如此去國經三年見人欣其似况茲風景同久坐那思
起子明騎白龍琴高跨赤鯉安得乘長風故鄉僅千里

再熟稻和史大

南隴行歌北隴續五月居然糴新穀舄畝連雲乍捲黃秧

針刺水旋抽綠穰金康木迸成歲趣歛催耕不逾宿沃壤
終須人力勤熟鄉祇覺天行速娶來健婦勝鋤犁教得嬰
兒辨種種朝春白雪素流碓暮炊紅蓮香滿屋况聞南海
誅鯨鯢不用東方輓芻粟無復藉兵齎盜糧惟見賣刀買
耕犢 國家尚減什一稅閭閻真餘三九蓄我來無事采
風謠一味豐年太平曲

高安道中即目

一縷炊煙繞屋斜青山坳處有人家短松覆地皆如草細
水翻渠亦作花尚賴清飈憐過客每看落日羨歸鴉輕衫
快馬何須騁要識吾生自有涯

清江縣口號

不見清江繞縣灣閉人無賴解三間何當痛飲宜春酒卧
看城東閣皂山

江村

翠竹滴清露金灘江上村片帆移樹杪新漲入籬根築圃
秋收早連筒曉汲渾由來好風景多半在柴門

七夕

芳意經時謝羈愁觸處生紅墻天上影碧草路旁情砧杵
秋聲入斗將夜氣明何人占斗野銀漢一槎橫

峽江縣

古戍問巴邱清川倒峽流山禽飛背郭汀草綠隨舟五嶺
稀來使雙江少去郵十年三過此疎鬢尚禁秋

峽江曉渡

曙光乍動千山開紅霞一朵江上來櫓聲如雁拍江水鷗
鷄曉夢驚初回夾岸青山三百疊蕩得波光鏡開匣中流
迴首望山城片片晴雲落飛堞日昨寄書回故山爲言行
路彫朱顏吳頭楚尾足風景可惜身手無時閑江岸人家
啓扉早長年三老亦未還江山如此豈不好何事崎嶇十
八灘

終日行田野間往往迷路

犖确山田覓徑遲揮鞭盡日拂茅茨野花黃似蝶雙翅秋
樹碧懸蟲一絲長路關山來北極幾年詩酒負東籬縱橫
阡陌迷人眼何必揚朱始泣歧

吉水道中暑甚

縱吸西江盡何能解鬱蒸思餐金井汁

金井在廬陵見水經注

勝飲

玉壺冰字水波三折梯田路幾層獨憐豐歲好米價問廬
陵

廬陵望青原山憶舊游

我昔游青原江路野梅發殘雪棲巖松了了見禪闕齋堂
寒磬聲冷然入山骨留連五笑亭坐見飛鳥沒塵中近十

年歲月去飄忽跡與名山違時恐芳草歇今來螺川行盛
暑方鬱勃千金買清風百計覓翠樾安得山中泉一酌解
我渴獨往不可期負此雙布襪早晚定何時青山映黃髮

泰和道中寄都門同人暨吾鄉江南秋試諸君

可有仙槎汎杳冥

仙槎江在泰和縣東南

貪看幽景信前程東西昌

縣青山滿左右溪流碧玉明白下

泰和古名白下

風光疑建業清

秋雲物憶燕京故人兩地相望切快閣何由倚晚晴

金竹嶺

何處洲邊五色雲亂峯高欲逼斜曛愁心已共山千疊莫
更灘聲遣客聞

將至萬安大雷雨

風聲忽怒號雲氣亦周遭落葉尋蟬翳深林拾鳥毛雨圍
千樹黑雷拔一峯高十八灘頭水平添第幾篙

萬安山行雜詩

青山不知數夾立江灘上仍復不肯平與灘鬪奇創灘灘
各異勢峯峯亦殊狀或銳如劍鋸或列如屏障轟如陵雲
臺森如羽林仗或如馬脊高或如虎牙向或婀娜如花或
翻騰如浪百重恣掩覆兩厓束犇放曷不稍逶迤屹起誰
肯讓山亦非得已鑄鏡出天匠欲敵百灘奇固宜此疊嶂
灘尚有時平春波一篙漲

山山土戴石多岨少崔嵬盤根互鈎絡直下接灘尾微徑
通山腰側脈入石理何人費斧鑿寬處劣容趾想當開闢
初山石更礮礪連羣如牛羊競走飲江水腹飽不上山縱
橫卧江底遂令章貢流萬古濺石齒

人家負山住石室殊偏窄作計思騰空覩此江岸隙架木
支一樓懸厓構百尺俯瞰檣頂鳥隨手疑可掇銅餅汲修
綆日日飲江碧隔岸遙相望不語徒脈脈江間朝暮霞祇
射半樓赤不如看炊烟同時出屋脊何異博山爐雙煙一
氣白

朝來沿江行一轉入山脅遂爲山色裹卷舒成百摺白雲

都生衣青苔欲上頰山中飯初罷馬蹄仍蹠躐石底流暗
泉隱與灘響接厓窮忽無路復見江可涉厯厯上瀨魚飄
飄依槳蝶清風山上來送我渡江楫舍舟仍著屐山形稍
妥帖却看來時路青青知幾疊此行雖紆回佳處意轉愜
何時理歸榜天際下一葉頃刻百灘過千山入轉睫會心
各有境不在遲與捷

宿攸鎮驛

合沓千巖送夕陰愛看孤館月華臨風牆灑落棕櫚影露
砌空明蟋蟀心秋熱果如垂老健夜寒方信此山深

吾鄉
諺語

云老健春寒秋後熱言不
久也又云深山夜夜寒

莫愁終日醒眸倦夢裡詩多耐

可尋

贛州使院

暫借雙江水征塵滌滿襟蘭香依坐密竹色罩園深曉日
章山翠秋風粵嶠陰樓居如有意應許共登臨

院有翠玉樓扁閉不

得上館人云有物據焉故戲及之

水輪歌

風輪水輪相周遭斷竹續竹流白膏翻江立海傾波濤正
自不煩人力操豫章之水濁浪淘中流堰截成一壕輪當
其衝置輻牢輻間片席輕于毛關輅不用豨脂熬藉水激
輪聲伐礮截筩插輻如短篙一一旋轉隨輪尻此筩甫下

彼筩高下時挹水如手撈高處一注成滔滔近厓平地承
以槽縱橫接筩皆篲勞散入衍沃流隰臯是時晚稻抽翠
毫農夫不須望眼蒿稻畦水足堪嬉遨漢陰丈人抱甕勞
不知人世有桔槔乃用機事相訾訾此語固足鳴囂囂獨
善畢竟非賢豪一人甯供萬室陶何如此輪連六鼇神功
默運澤徧叨明堂左禹右有咎惠及九土無哀嗷下視巢
許真螭螭一漚自足悲爾曹作詩羞學寒蟲號快吐胸臆
開天發

求是堂詩集卷十二

諭領後集

涇縣 胡承珙 墨莊

大庾嶺二首

五嶠崔巍此最東天將奇險界蠻中
炎洲氣色魚龍變陰壑牙須虎豹雄
天末幾回瞻北斗林端猶未換西風
鄉書欲寄無黃耳誰識征人兩鬢蓬

振衣直上與峯齊絕壁飛泉散馬蹄
海日紅升千嶂曉嶺雲青逼一天低
秦關烽火銷橫浦漢將樓船下越谿
自古勇夫重閉地只今何事用丸泥

發南雄州

輿轎裝初改，衿瀧水急流。平鋪湘竹簟，高卧木蘭舟。草樹迴嵐合，烟雲出海浮。十年行路感，倚枕聽鈞輈。

戲題鷓鴣

鼻亭應不解，斯愁莫是平生。馬少游千載，武溪哀怨曲。至今猶自白人頭。

始興晚泊

溽暑行舟劇，陰晴轉瞬間。斷紅霞外樹，新碧雨中山。石色含終古，江聲走百蠻。洞天隨處好，風馭若爲攀。

發韶州

抱郭清流是曲江，扁舟還下武溪瀧。鷓鴣啼樹忽風雨，蝴

蝶繞船時一雙。正石欲尋巖叟室，迴颿初聽蜚歌腔。三楓五渡貪看倦，忘却攤書坐水牕。

江上看山作

羣山產南方，其狀盡如火。奇石欲助之，歛起意皆果。錯疑補天質，帶此餘焰墮。猶思燭天庭，未肯稍帖妥。照水如有光，出雲總成朶。猛雨西南來，急掣江上柁。頃刻成迷離，烟巒欲包裹。時還露嶙峋，不受烟雨鎖。看山心未足，薄晚卷簾坐。不惜飛雨侵，磅礴解衣裸。作詩雕肝腎，險澀非炙輠。所恐太瘦生，逢人嘲飯顛。

晚過彈子磯

舟行忽驚叫遙指千仞壁白日不敢過青天畏其逼咫尺
風雨來蒼茫失南北霽後橫孤雲絕頂更奇特扁舟方泝
游過此已曛黑不見霞駸文想像積鐵色奇鬼蹲陰厓森
然欲搏擊猿猱不到處鷹鷂尚棲息驚起聞拏音出巢拍
其翼層潭浩呼洶下有蛟蜃匿涎沫相迴旋滙此色深墨
安得秉烈炬巖巔趁宵陟探覈窺危巢然犀破幽域一試
摩厓書題名字深刻

觀音巖

危石覆層檐下凹上復凸垂纓結鍾乳倒影流滑笏水府
蟠孤根漱刷終碑兀何年漲退餘露此老蛟窟遂生巧匠

心鑄鑿透山骨高處棲一龕怖鴿飛翻翹風水搏洞門祇
借渡人筏舍舟散腰脚入洞竦毛髮緣磴欲學蟻捫壁畏
逢巖陰房燈青熒高閣香醅醇三重螺頂旋四角鬼眼突
天風忽吹人憑欄意恍惚老僧歷劫餘水火幾淪沒僧別
凡言

三十年前江水漲及岩半此洞不沒者
惟最上層耳又言岩中房宇屢燬于火坐閱江上人孤帆

去飄忽我來爲尋山金仙不須謁歸棹期重經齋厨煨楮
拙

英山石歌

英山之石皺瘦透聞道百金不可購詎知江上有巨觀何
必一卷堪入袖君不見奇章甲乙題品工平泉醒酒來清

風烟雲過眼復何有巧偷豪奪終成空又不見靈壁之山
太湖水鑄鑿徒令混沌死山靈無力供人求盡掩洞門錮
石髓何如青天作簷宇大地開園林千山萬山標翠岑千
石萬石插碧簪到公奇礪詎足數海岳硯山安用尋几案
屏風漫言好人設焉能勝天造世間萬事如是觀莫大秋
毫泰山小東坡居士豔齒牙仇池小有已足誇如何看徧
嶺南石猶向壺中問九華

滇陽峽

輕舟忽覺重苦被山影壓前艫厓丁吞後棹石笋夾人語
牛鳴窮波光劍在匣奔湍束逾怒瀉處如啓牖燕尾兩漿

同峰窩一篙恰重關矢指顧長嘯動歎欲近憶觀呂梁遙
思敵巴峽當年拒道覆架閣守此狹鯨鯢早已死海水淨
洗甲偶探山水勝遂與猿鳥狎瀧吏不相譏長年詎須怯
歷險始得奇甯思汎茗雪

江行看山贈荔園

名山不屑土爲肉所恐癡肥遂成俗以石爲骨苔爲皮有
時皮盡骨更奇臨江豈止愛山影浸入江波骨逾冷江流
一轉成一奇山欲稍平石不肯沿江皆山江自彎被山皆
石山不頑十年行役徧吳楚眼中復此佳江山我自癯容
稱山澤君更亭亭高勝石聯舟盡日相歡呼此石此山宜

此客

游峽山寺徧歷諸勝直上至古飛來寺仍浴于僧房

而返得詩十首

萬里南游興隨鷗下急川山開阮俞徑門泊曲江船竹管
何年採藤書孰為傳無邊飛動意躡屩逐靈仙

七寶莊嚴地雙扉不用敲日高幡影定風起唄音滄柳栗

從僧乞圖經借客抄偶然談浩劫幽壑有潛蛟僧曠元言
某年山中

蛟水驟發漂
沒房舍無數

一片談經石

寺旁有達
摩談經石

千秋傍釣磯松枝巢鶴穩榕實飼

魚肥懶欲和雲卧閒思擇木依不須常面壁臨水自忘歸

絕澗危橋上天紳掛壁粗青林都欲濕赤日到來無啓關

春雲碓烹茶泛雪腴小亭吾欲占謂飛
泉亭終日看濺珠

百折紅泉磴天風翼客行石楠千歲壽杜宇四時聲僧言
山中

杜鵑四時皆有
惟聲屢變耳冰雪炎方積雷霆下界鳴輕裾飄動處真

到化人城古飛來寺前有正書第
十九福地石坊一座

鬼斧開三峽神踪問六朝上方天竺寺中宿海門潮逃石

安能儷奔瀧不敢驕雲封聞掛角相傳寺從皖山飛來曾
掛一角于庾嶺即雲封

寺回首更迢迢

歸猿何處洞僧指數峯西一徑蘿陰轉諸天竹翠迷風腥

聞過虎潭黑想沉犀直下愁苔滑蒼茫衆壑低

卷十二
五
枯木堂千尺剛臨碧水隈翠屏當檻立清磬送帆開鹿女

攜花去猿童獻果來爲憐秋禊近相約共流杯寺有流杯池已廢

徧踏黃金地深通青豆房玲瓏石鍾乳杳靄水沉香古壁

經年暗幽軒盡日涼平生詩酒污浴罷兩俱忘

草木嵇含狀烟雲帝釋家詩題河北紙種問嶺南花隔岫

聞樵唱迴颿識鼓槳歸舟情恹恍換柁日初斜

贈峽山方丈曠元

二禺踪跡是耶非古洞清猿也不歸一谷石罉皆欲攫半
房雲擁尚疑飛泉聲灑落通香界蘚暈蒼涼上衲衣肯對
青山談世事鬢絲禪榻已忘機

中秋闈中和韓桂舫中丞對次德定圃宗伯舊韻三

首

萬里南溟眼界寬秋風八月不知寒勤將字映丹黃筆恰

喜兵銷赤黑丸今歲海氛悉靖應試諸生較舊更多水靜魚龍爭踴躍夜光

珠璧共團欒只愁五色迷人易重起挑燈子細看

頻年橐筆 玉墀旁

詔許掄才入貢綱尚憶沉舟經苦海敢誇懸鏡在虛堂看

花鳳味思佳節爇鼎龍涎采異香昨過南能飛錫地者番

千佛孰登場

牙琴一曲輒情移想到含豪矮屋時旌節初持心自凜麻

衣再著事難知三年辛苦期無負九命文章問孰司羨煞
煎茶蘇玉局隔簾催試早成詩

中丞復示疊韻答李太守鳳岡威之作因疊韻奉和

兼柬太史

聞道中丞執法寬頌聲騰沸遍孤寒

聞今科以違例被黜者甚少

早知

健筆如干莫

前日以所作程墨見示

復把新詩似彈丸法曲霓裳成

幾疊洪鐘雷吼出雙欒天涯亭子何由到曾向雲封壁上

看

昨過庾嶺於雲封寺壁上見中丞石刻詩茲答李太守有廿年前題詩欽州天涯亭之語時太守將赴任廉州

云故

羣吏鳧趨兩案旁鎖闈清謐肅臺綱光搖蠟燭看投卷響

答詩筒聽滿堂石鼎風流誇手筆錦囊家世識心香自憐

短袖郎當甚可許輕登鮑老場

年來草帶孔頻移祇剩酸寒似舊時近海濤聲秋枕覺飲

冰心事夜燈知曾無名字聞中禁豈有文章替左司却喜

此邦儒雅盛歸裝贏得滿囊詩

三疊前韻答鳳岡太守

信有吟懷勝李寬笑他島瘦與郊寒便從牘尾書千首待

向竿頭弄七丸眼倦正思煎苦茗手香新似摘朱欒此行

飽厭佳山水好句何妨一例看

龍目嘗新見挺旁來遲不及荔枝綱七千里路經多日十

四科人尚此堂

君戊戌進士先余十四科

話到紅綾皆似夢排來畫戟

盡凝香相逢樽酒論文近庾鮑風流定擅場

雙旌五馬幾經移渡海欣逢浪靜時瘴捲高秋羣盜息珠

還深夜老漁知懸魚素望驚蠻獠佩犢新恩藉牧司見說

糧山如飯顆

廉州有糧頭山

莫真消瘦為吟詩

出榜有日矣四疊韻答中丞

指點鵬程爾許寬廣寒宮裏不勝寒殘宵遍閱三千卷

與予

荔園分閱落卷各三千餘本

妙技誰排十二丸海國祇愁迷寶藏天門

原許狶椽藥何當故紙堆中出無限江山洗眼看

傳箋來自戟門旁幾度郵筒累紀綱磨盾定應清蟻穴

時海

盜悉平土匪未靖原詩有蟻穴蠹椽藥之句

探珠先已倒龍堂雲開粵嶺千尋

秀水挹曹溪一掬香我比退之為後學也能拈筆賦毬場

大羅造榜已難移小住重闈又幾時一識荊州諧夙願數

篇滄海得新知平生也自羞溫飽此事何能稱職司火迫

鄮侯真可笑論文纔罷又敲詩

次韻制軍百菊溪

齡

前輩督師高雷勦寇克捷粵海

胥平七月既望安撫事竣歸羊城紀事八首

皇威震疊及無雷肯使鯨鯢跋浪開地控金甌環海甸兵

臨玉帳值河魁波聲沸鼎陽侯助風勢捎旗颯毋回見說

萬人齊解甲傳呼天上令公來

滄溟南望淼無涯一日軍聲掣電馳下瀨戈船皆用鐵征
蠻銅鼓不須皮已消氛祲收妖蜃更駕風霆逐毒螭朝食
未遑期翦滅朱厓輕棄笑捐之

動搖兵氣望星河十萬貔貅盡枕戈踏浪捷如騎海兕射
生爭欲落天鵝水中蛟血身先斷城上烏啼尾豈訛信是
萬家香火佛指揮如意已降魔

吞舟髻鬣肆蟠泥蕭斧堂堂歎久稽養虎官軍曾坐視狎
鷗海客敢多齎清宵烽火連尋隘長笛歌聲怨武溪巨憝
十年真稔惡天教裴度到淮西

號令風雷頃刻生運籌神筆更縱橫軍中堅壁羣心定海
外奇功屈指成備盜久移橫浦檄摧鋒宵借夜郎兵瀛壖
一帶平如席犴鳥獐花了不驚

詎有劉沉敢據嶠更無溫邵費函書聯舟幸免焚岡慘絕
島何曾結網疎萬里秋風生草木十洲明鏡卧龍魚感恩
并下鮫人泣泉室從今有定居

楯鼻磨成墨色新捷書飛騎入紅塵早知一范名驚賊合
拜千秋爵富民周召古原居保傅韋平

天已許因循捷聞 恩加 公宮保 街及 輕車都尉世職伏波自昔誇雙祀鼎足

如今始有人

文通武達兩無慙開府威名到處諳三楚衣冠思艾獵全

齊獄市頌曹參

公由粵撫總制湖廣近復自山左移節來粵

陽春有脚都沾澤

止水無心盡息貪一曲鏡歌成白雪采風何幸到天南

復和制軍高雷道中簡温莘圃朱耐菴兩觀察次韻

二首

龍川江上虎門邊契箭兵符一夕傳萬口蝸蟾惟獨斷三

軍旗鼓在中權燕然刊石看今日疏勒飛泉憶往年

公自山左

來粵時默禱于趵突泉曾著靈異

記取行師方六月海雲如墨瘴如烟

殺賊揮刀疾似風果然歸啖荔枝紅

公舊詩有殺賊歸來啖荔枝之句

漢

官侍從威儀異軍府助勦策力同慷慨登壇無絳灌從容

草檄勝嚴終

天書降紫翎飄翠上馬爭看矍鑠翁

五疊韻答桂舫中丞贈別之作

滄波不及

主恩寬來往郵程歷暑寒庾嶺梅花行似雪秋林橘柚早

如丸望中氛祲銷金甲夢裏爐烟繞玉藥却笑偶題鸚鵡

賦一時賓座許傳看

山斗聲名

帝座旁外臺猶是握天綱傳家自寶青箱集

昨見示令祖補瓢存稿封

翁聽鐘樓詩稿暨自著朝京集

作記誰工畫錦堂日麗戟門秋校射風清

鈴閣夜焚香千篇真有如潮勢快觀魚龍曼舞場

烏榜舟輕晚更移河梁風雨黯然時前期漫託雲龍契後
會難憑越鳥知藥籠參苓先我貯中丞培植士類今科粵
秀書院獲雋者甚多
騷壇盤敦更誰司他年橐筆書勲績餘事猶堪任校詩

留別菊溪前輩

瀛洲學步已難攀何意相逢山海間才大識公眞似海詩
多憐我解看山玉堂人物堪千載銅鼓勲名又百蠻歸去
中朝相問訊籌邊應念髯毛斑

豈惟士女感無涯只我猶應拜賜嘉不是銀河新洗甲可
能珠斗穩浮槎上方正賜龍淵劍南國常開旌節花記取
圖書留潤筆鎖廳傳喚候宣麻

粵王臺懷古

擊水三千浪炊烟百萬家樓船半犀甲戰地幾蟲沙垂老
思朝漢詒謀恨獲嘉茫茫悲浩劫聊欲會無遮臺址今爲
觀音寺香
火甚盛

舟發羊城遊海幢寺

扁舟趁潮上清曉叩禪關入世原知拙逢僧始覺閒古榕
無歲月高座有江山津吏何須候登臨未遽還

花田

地舊傳爲南
漢瘞宮人處

此間端合葬傾城羅綺春風歲幾更買得奇花香滿載輕
舟偏愛逆風行

歸舟即事

微風吹浪皺鞞紋閒倚篷牕又夕曛石不依山方自拔水
都入海更何分酒筩醉折青荷葉詩句狂書白練裙尚有
荔枝緣未了可無回首望南雲

德安道中

路僻稀行跡天寒日易斜亂山嵌古寺獨樹表人家藤蔓
丹砂實蕎田白雪花清泉亭好在誰爲細烹茶

舒城早發

郵程數遍畫烏亭落葉聲寒帶馱鈴江北剩看衰草白夢
中偏覺故山青文章入世終何用造物於人祇役形歸計

依然無著處可堪雙鬢欲星星

晚行合肥道中

江南多青山不肯度江北江北四望惟平沙衰草寒雲莽
一色草間狐兔縱復橫饑鳶摩雲時有聲安得彎弓作霹
靂割鮮野饗傾玉瓶自笑人生坐談客豪語甯能洗酸骨
天寒兀兀垂車帷睡醒鼻涕長一尺

濠梁驛對月

仲言有佳句月映清淮流眼前何意見此景北戶乍啟清
光浮數行衰柳拂欹岸一天重露迷滄洲水波瀲灩月上
下恍惚華子之岡頭長淮北岸更何有蒼烟茫茫寒不收

烟中參差楚山小時見碧火明漁舟人生何事多幽憂清
景可以銷百愁夜深更欲弄鐵笛一聲喚醒魚龍眸

宿州道中大風

北風撲人猛如虎打面飛沙作黃雨連天枯樹雲陰昏捲
地驚蓬雪花舞凍鳥瑟縮飛不高相呼下啄霜田蒿客行
輞饑未遑食吟詩亦復同烏號敝裘兩重薄如紙車帷坐
擁一團水後來我僕噤不言據鞍凌兢欲墮指十年奔走
游江湖愁風愁水何日無只今階土淮西道却被狂風險
吹倒符離城外古隋堤無復垂楊絆馬蹄久甘退鷁隨風
勢尚作飛鴻印雪泥客中惟憶故園樂射眼朝暎明紙閣

百錢布被暖有餘何用多金設軟腳

發宿州二鼓至桃山驛

釀雪天重陰低欲壓山頂荒郊生暮寒前村忽已暝人家
閉門早隙處漏燈影時聞烟際聲夜春出閭井缺月出不
高萬象愈凄冷風聲猶在耳霜氣已入衽投宿未遑餐倦
極思覓枕頗羨田舍翁歲豐收十頃安知行路難飽食事
甘寢却笑沐猴兒夜行詫衣錦

謁包孝肅祠

祠旁有池寬數畝
夏月荷花甚盛

曠野霜威殺物新遺祠凜凜傍城闔生逢慶歷能容直死
作閻羅倘是真此水冷如當日面無花空薦路旁蘋報公

一博河清笑嶺海謳思尚有人

次韻何芟亭明經

文煥

盆梅初放招友宴集因憶西

谿詩二首西谿君家居探梅處也

何南陵人

何郎不借粉光勻詩思西谿特地新
夢裏未忘千樹雪客來聊對一枝春
莫愁古幹終成鐵但著疏花便絕塵
珍重題箋勤索笑好將遺憾補騷人

我亦相思到草堂醉吟寒嚼興清狂
籬邊月落春留影溪上冰開水有香
花信幾曾逢驛使酒徒空復覓高陽
他年訪爾梅根冷淨洗鉛華對淡粧

雪後偕友人登陶然亭歸至黑窰廠眺望

長安百萬家寒雪壓春夢朝陽蒸瓦簷
升氣如飯甕六街三巷泥沒罽曠野獨
保瑛瓊瑤軟紅不到見眞素一徑碾入
輪聲銷危亭木末殊縹緲百尺陵寒更
幽悄棲鳥怪客噤復唬片黑驚翻點空
小長空極目黏疏林凍雲沍合天沈沈
西山參差出復沒素膚隱映羅帷深憑
軒不恤朝飢急笑談已把紅霞吸坐覺
江湖遙思生回看臺榭清光漜吾儕慣
耐窮冬寒况復韶景回暄妍春日春人
尚無影此段惟宜酒人領諸君興高堪
一石我亦陶然岸輕幘憶從除夕連燈
宵作伴翩翩已三白莫惜新豐價十千
行看高廩禾三百君不見前年九日登
高處葭葦蕭蕭響秋路高

低邱垤尚眼前不覺馳駒暗中度平生屈指歡千場如許
清游亦有數身閒一味作詩忙火急追摹恐遲誤

游萬柳堂

廉園何怪地傳疑

元廉希憲萬柳堂相傳在右安門外已莫詳其處矣

國老風流轉

盼移碧水春風猶野外綺堂晴翠想當時

徐東海萬柳堂詩綺堂晴翠干

峯太平多暇游能數

入聲

宰相憐才事可思蘋葉荒蕪魚子

少沙鷗應亦恨來遲

苔痕漠漠荻芽肥無復垂竿坐釣磯高柳已隨人去盡閒

雲猶共鳥爭飛危樓山色迎朝爽破寺鐘聲戀夕暉莫道

新栽林樹小綠陰終解罩春衣

時朱埜雲處士補種柳五百株

古風二首寄韓桂舫中丞粵東

丹荔有佳實宜薦白玉盤時至自馥烈含津解渴煩豈無
桃與杏大雅固所難風味本自殊匪獨致之艱嶺海雖云
遙恩光通上闌三載隔烟雨傾思令人癡檀梨不可口棄
置雜蒯管託契諒有在相勸加朝餐

炎洲生翡翠翱翔珠樹林粲粲刷毛羽咬咬流好音檳榔
匪無柯椰葉匪無陰託身貴得所羨此南飛禽百尺雖可
庇萬里難自致會合當有時何用悲鍛翅鵬鷄各異天腐
鼠非所志

送客西郊歸過天寧寺

何處濃陰可繫驂盧溝垂柳正毵毵一麾出守看人慣半
偈隨身遇佛參閱世誰如無縫塔捫心惟有未抽簪圓蒲
漫說浮生話且假西牕對翠嵐

題葉雲潭

紹本

編修白鶴山房詩集即東

吳興山水窟佳處惜未到應有恢奇人天境窮曠粵夫君
昔未遇束髮已名噪青箱溯淵源

尊甫聞泚先生著
有慎餘魚詩鈔

白裕

恣嘯傲汀洲采夫容馨香滿衿袞金閨既通籍玉節還建
纛健筆陵江山英聲起紵縞即此冰雪文少作驚耄耄昨
來忽投贈珍重獲玠瑁顧渚茗始芽下若酒如膏芬將襲
牙齒快勝爬疥瘙天風吹空林落葉不可掃晨興手茲編

清聲息羣噪山水此方滋卧游得先導東華十丈塵眯眼
已成眊騷壇久寂寞大雅吁可悼庶幾淡蕩人同志違俗
好行看樹赤幟烟雲供號召賤子注蟲魚六藝未深造

時予

方治毛
詩爾雅

勤思附盤敦陋邦等曹部微吟託郵筒瓊瑤愧非

報

朱仁齋民部九日招飲看菊壁上有令叔蘭坡編修

蘭臯孝廉

禮

詩民部屬賦一篇並東編修孝廉二

君

胷中大廈何時償眼底華屋誰能常不如種花百株園一
畝塵土眯人復何有此間未到心先知却喜今朝落君手

落君手邀我題君家大阮殊不癡壁上落落黏新詩東舍
同君隔牆住謂蘭坡花裏開門任來去自誇早起先唳鴉百

市行吟傍園樹我家破屋才三間街頭相距無數屢屐馬
還君日徒步昕夕可以相往還連日秋聲落窗紙婦病兒
嗁惱人死著書兀兀罷作詩興發因君不能止已愛牆陰
數竿竹况復繞庭植黃菊開筵九日無雨風主人方閒客
不俗可惜主人行把麾後來看花知屬誰况我情懷苦寥
落三徑就荒無計歸趁君未行與君約排日圍爐接春酌
吾儕聚散初何常相逢且門樽前樂君不見故林巢鳥各
分飛數客思吳一思蜀孝廉本吾邑人
僑居四川巴縣

